

MARJA HELANDER

Čeäppöstuejjöözz Sää́mkultturkōöskōs Sajoozzâst
Riikk čeäppösnorlōk / Riikk čeäppöstuejjöstuåimmkåǻdd ti ’ll’jemtuejjöözz

”Tuõddrest”

Piõgg pâåssam õhttu šöddi tuõddârsuéjj, liâ muu jiõggsaž dommkuéstelm. Tõk liâ kuâddjam miṍlle juún pârnnpoodd čuõiggâmreeisain, e’čcam šöddâmpää́k in Uccjooggâst. Tuõddârsuéjji si’tkkesvuõtt lij tõn jiijâsnallšem puâllmõš, ko tõt lij võõrâs le’be jiõnjâm. Nääít tõt lij ääíji mie’ldd ouddam vuäitmõöžid da ååsk, sä́mmlai puäžzhååid da aazztumuužž leävvnumuúšše tuõddârpâjj-jänmid.

Tuõddrest –čuõvvvtuejjö́sse leäm haa’lääm se’rdded tuõddârsuéjji åå’bleekk da pu’htted kooska poostjânnmest Aanar siidid. Čuõv šuävvjem tuejjõs kägg oðdest miṍlle smiõttõözzid kolggi jannu da možât-i veâl kuuzzkõözzid.

”Nu’tt puk pi’rõgee”

Kueítvuäzzas tuejjõs vuäžžai aalg es uccjokknee’kk e’čcam Piera Johannes Helander škooulâst, 1950-lååggast norrum Sää́mjânnam šââddain. Šââdd le’jje koškkuum da tiudduum tää’rke’ld nõmmlaappivui’m da ruõkkum herbaarioo’ne le’be sâddnorldṍkk. Juṍkk šââdd leäi tiõdlânji tärkka klasstõllum jiijâs-i jou’kk. Loñjnem tõn risttreeidast, mii leäi tõn poddsaz sââddai moočâadvuõđ da määj gnallšemuõđ di oummu klasstõõllâm- da kåârbõöššâmtaarb kõöskâst. Seämma poodd puõ’di miṍlle saa’mi histoore da tõn ääíj kiõčlõõttâmvue’kk, klasstõõllâd saa’mid vue’lab roodd vuâlla kuullven. Veâl 1930-lååggast Aanarjää’r ruõkkâmsâá’jest le’jje kuäivvam saa’mi vuei’vvkäällaid rooddmättnallšem tu’tkkumuuzžid (åå’n täk vuei’vvkääll liâ kâl maacctum määusat).

Tuejjöözzâst liâ snimmum 30 ânn’jõzpeei’v sâmmla. Vuâddjan lij Statistikk-kõöskõözz da Sää́mtee’gä vaal-lu’vddkåǻdd ee’jj 2011 statistikk. Tõ’st Lää’ddjânnam õhttse’zze nu’tt 10 000 sâ’mmla liâ klasstõllum ââ’jj mie’ldd sää’m dommvuu’dest jälsteei’ji mie’ldd, pirr Lää’ddjânnam jälstee’ji mie’ldd di ålggjânnmest jälsteei’ji mie’ldd. Persoon liâ klasstõllum še jie’nnkiõl mie’ldd. Kiõllsaž klasstõõllmõš lij stäbbjab ä’šš: Sää́mtee’gä mie’ldd statistiikkid ålgg ââ’net tâlk koon-ne árra puu’tt u’vddjen, ko vuâlla 18-âkksai jie’nnkiõl i’lmmtumuužž liâ sâ’ttnallšem, jiâ tää’rkeld u’vddum da jiõnstemuõiggâdvuõttâkksain määj gas kue’dde i’lmmttekâni jie’nnkiõles. Persoon jie’nnkiõllân mie’rkkeed te’l logstõ’kk lää’ddkiõll. Lââ’ssen määngas to’bdde, što sij liâ kuei’tkiõllsaž.

Snimmum 30 persoon ââ’kk-, kiõll- da jälstempäi’kkvuä’zzõözz va’sttee prosenuttuaalânji tân ooudbeä’lnn peäggum statistiikk tuõttaa’šsid. Juâkksa persoon paaldâst lij u’cc sâddnorldõklapp, ko’st oëndâatt lââ’ssen persoon jälstempäi’kk da jie’nnkiõll. Miõõtlösân ärvvtõõlee’l tâlk 10 persoon 30:st maainste jie’nnkiõllân sää’mk iõl, da tääzz lââi jou’kk cääkk õhtt aanarsää’m da õhtt nuõrttsää’m maainsteei. Snimldõõgg i persoon liâ meä’rtõllum tiõdlâz fi’tt’jemnalla. Homo sapiens –šla’jje kuullven, vuâssttačâckken vuä’mm juún ääíj tuâkkasaž rooddmeärtumuužžid, kook liâ rooddmeärtumuužžineez ââ’nnam saa’mid vue’lab rooddan.

Tuejjöözz nu’bb vuä’ss lij jõnn snimldõk, ko’st liâ tuõddârkuéstelm ool snimmum sâddnorldõk sââdd. Tõk rä’jje heä’rvvke’rjjõsnallšem oo’le, kook õõnjõõlee’l pâ’jjlab ââ’lm árra, piâzzee meädda meä’rtum da klasstõllum nuä’dest.

Lââ’ssteâdaid: Čeäppneék Marja Helander, te’l. 040 707 3631,
marja.helander@saunalaheti.fi

Čeäppõspiisar Erika Hyryläinen, te’l. 0400 847 026, erika.hyrylainen@fng.fi